




# Trikininit nappaat

Tunillatsinnissaq pinaveersaartinniarlugu  
paasissutissat ilitsersuutillu



NAALAKKERSUISUT

GOVERNMENT OF GREENLAND





## Aallaqqaasiut

"Kalaallit Nunaanni trikininik pinngitsaaliilluni nakkutilliisussaatitaaneq pillugu nalunaarut marsip 14-ianni 1966-imeersoq" septembarip aallaqqaataani 2017-imi atorunnaarpoq.

Nalunaarut atorunnaarmat nannut aarrillu neqaasa trikineqarnerinik nakkutiginnitarneq unitsinneqarpoq.

Taamaattumik illit nammineerlutit nannut, aarrit, puisit uumasullu allat qaasuttut neqaasa trikineqannginneri nakkutigisussaavaat, sianigissavat.

## Sunaana trikininit nappaat?

Trikininit nappaat nappaataavoq uumasumit inummut tunillaattartoq - zoonose-mik taaneqartartoq.

Napparsimalertitsisuusoq tassaavoq qullugiaq *Trichinella nativamik* taa-guuteqartoq. Trikininit nappaammi trikinip qullugiaa uumasut imaluunniit inuit nukiini pooqqasuusarput.

Trikinit amerlanertigut uumasuni qaasuttuniittarput, soorlu nannuni, aaverni, puisini, qimmini qimuttuni, amaqquni aamma terianniani.

## Qanoq ililluni trikineqalertoqartarpa?

Neqi ooqanngitsoq trikinilik iluamik uulluarneqanngitsoq imaluunniit sialluarneqanngitsoq napparsimalertitsissutaasarpooq.

Trikinip qullugiai pooqqasut aqajaqqumi inalukkanilu ammartarput.

Qullugissat inalukkaniitillutik inerittarput kinguaassiorsinnaanngorlutik, qullugissanik kinguaassiulersarlutik.

Qullugissat inalugaq putoriarlugu aakkut timimut siaruaattarput, nukinnut kingorna nippinngalersarlutik.

Trikinit inummit inummut tunillaanneq ajorput.

## Trikini qanoq ersiuteqartarpa?

Neqimik trikineqartumik nerisimatilluni trikinip ersiutai ullualunnguit qaangiukkaangata napparsimalersutaasarpooq, aamma sapaatip akunneri arlallit qaangiukkaangata napparsimalersutaasarlutik. Ersiutai assigiinngitsut marluusut amerlanertigut tassaasarpooq:

SIULLERMIK: Trikininik tunillatsissimanermit ullut 2-7 qaangiukkaangata trikinit aqajaqqumi inalukkanilu kinguaassiulerlutarput. Napparsimalersitsisutai tassaallutik naarlunneq, meriannguneq, meriarneq aamma timminneq.

AAPPASSAANNIK: Trikininik tunillatsissimanermit sapaatip akunneri 1-2 qaangiukkaangata trikinit qullugiai aatsigut nukinnut siaruaattarput timilluunniit pisataanut allanut aamma siaruaattarlutik.

Napparsimalersitsissutai tassaallutik ujallerineq, anniaateqarneq, nukillaanganeq, naggussakkut anniaateqarneq, kissarneqarneq, isit sinaasa pullanneri isigiarsunnerlu.

Trikinip ersiutaanik amerlanerit qaammat ataaseq qaangiukkaangat malugisimasaqarunnaartarput.

Timip pisataata ilai trikinimik qaqtigoortumik eqqorneqarsinnaasarpooq, soorlu ummat, qarasaq, puaat aamma tartut eqqorneqarsinnaasarlutik.


Trikinimik napparsimaleruit erngerlutit nakorsiassaait.

## Qanoq ilillutit trikinimik tunillatsinnaveersaarsinnaavit?

Neqi ooqqissaarlugu iganeqarpat sialluarneqarpallu trikinimik nappaate-qalertoqarsinnaanngilaq. Taamaattumik nannup, aarrup, puisip uumasullu allat qaasuttut neqaat uulluarlugillu sialluarneqartassapput.

Neqi iganeqartoq 75°C-mit uunarnerusumit unneqartassaaq. Neqi uulluarneqarsimasoq sialluarneqarsimasorluunniit qasertumik imaluunniit kajortumik qaserujuttumik qalipaateqassaaq.

Trikinip qullugia neqimi qeritinneqartumi panertinneqartumiluunniit toquneq ajorput, qullugissat nillertumut silaannarmullu panertumut naleqqussarsimasuugamik.



*Mappersagaq Kalaallit Nunanni Uumasut nakorsaqarfia Inuussutissalerinertermullu oqartussaaffiup, Nunatsinni nakorsaaneqarfik, Peqqissutsimut Naalakkersuisoqarfik aamma nerisaqarnermut timigissarnermullu suleqatigiit 2018-mi suleqatigalugit saqqummersippaa.*